




39247

L

Mag. St. Dr. P

*Rudolphus Conclusiones thes-
logicae de Deo et uno.*

Test. 3012





IN NOMINE DOMINI, AMEN.

CONCLVSIONES
THEOLOGICÆ,
DE DEO vt VNO.

Ex Prima Parte D. THOMÆ Doctoris Angelici,

PRÆSIDENTE

M. CHRISTOPHORO
SOWINSKI,

S. THEOLOGICÆ PROFESSORE,
Collega Maiore, Ecclesiarum Colle-
giatarū S. FLORIANI & Pilecensi CUSTODE;

A B

ANDREA RUDOLPHO MARGOWSKI,
Artium Magistro, & Philosophiæ Doctore,

Publicè ad Disputandum

In Augusta D. Vladislai Jagellonis Aula,

PROPOSITÆ.

Anno Dñi, 1684. Die 27. Septembr.

CRACOVIAE, TYPIS VNIVERSITATIS.





Dicitur enutrisse suo pia Caprea lacte,
Vberaq; infanti sacra dedisse Ioui;
Rex superum factus, Signa inter Calica Capram
Transfert, & multo Cornua flore beati
SZFMBECIÆ Lechicis nutriunt quoq; Numina, terris
Purpureas referunt muneris ergo Ros & a.s.
Absq; tamen spinis; igitur cupit addere spinas
Theologi, nives, ardua sparta Ros & a.s.

Perillustri & Reuerendissimo Domino.

D. STANISLAO

à SLVPOW

SZEMBEK,

Cracouiensi & Præmissiensi Canonico,
Archidiacono Zauichostenfi,
In Magna Xiaz PRÆPOSITO, &c &c.
S. R. M. SECRETARIO,


DOMINO & PATRONO AMPLISSIMO.

V Sitatam veteri naturæ ritu temporum vicissitudinem; morēq; non interrupto rerum cursui ex æquo destinatum Tua prorsus confundit eueritq; magnitudo. Perillustri & Reuerendissime Domine. Cum enim prodromus iam sæuæ hyemis Anthumnus omnia seram in maturitatem composita, tadio viæte manui in vindemiam concedit, vernantiumq; decorum obsoletum diurnâ orbitate intendit spoliū; Auro Tuo è Roseto Pallas Theologica, noua suis auspicijs nectit mutuatq; Coronamenta. Vt quid enim sua alibi quæreret ornamenta, cum Domi apud Te hoc est Gentilitijs Tuis in Rosis ea reperiatur, quæ suum in odorem animos cunctorum & pectora rapiunt. Conuenit hic cum Candore rubor (quanquam nihil est quod erubescat) sed alter non fucate sinceritatis symbolum, alter longo Maiorum è Sanguine deriuatus color est. Euderunt non segni toties ausu Heroe SZEMBECKIORVM manus Marte expressum, Barbari è ceruicibus cruorem, suumq; vicissim alternis, vicibus Fidei in obsequium amorisq; publici perenne documentum litauere. Nulla pene à primo Vestri in Patria exortus, nulla existit ætas, quæ dextris mentesq; SZEMBECKIORVM in excidium Odrysy-Hostis coniuratas, sarmaticis sub signis haud militare spectasset. Quorum numerosam seriem, tenui hoc strictoq; pagella huius ambitu comprehendere, nec fas nec ratio finit; præsertim cum Ars non areis cruore barbarico tincti Nomen Tuum Innocentie natum videam amicus. Reuiscit atamen genuina coloris illius species in Senatoria Purpura nuper ex asse meritorum,

varum, rectefactorumq; calculo oblata Illustrissimo & Magnifico Domino
 Parenti Tuo Castellano Sanocensi qui ad omnia in eum huius elegantiam
 natum, pulcherrimam communis gloria, augustaq; ad omnia mentis amissimam
 representat. Comitatur illum passibus aequis cara Soboles Magni Parentis non
 degener Filius, Illustrissimus & Magnificus Dominus Præclaus S Z E M -
 B E K Capitaneus Beccensis, Germanus Tuus perquam amantissimus;
 qui magnus non nisi ac serijs Patrie suæ destinatus negotijs; seu Bellona He-
 raem, seu Iudicem Astræa Sacro raties Tribunalis Regni in conspectu velit; arte
 & Marte Casarem vbiq; Legibus spectauit Orbis. At quo me citati pectoris
 impetus vrget? Occurrit Tu quoq; pari factorum comitatu non tenue oris ca-
 lamiq; negotium, votorum meta meorum, Perillustis & Reuerendissime
 Domine. Quidquid in plures diuisim Nature beneficium sparserat in Te
 meliori compendio legimus vniuersa. Præcelsti magnitudinem animi, constan-
 tiq; maiestatem vultus, miro in Te Natura coniunxit federe, virtusq; inui-
 labili perfecit nexu. Inde Cælesti nectar superis Ganimedis ministerio obla-
 tum fabulosa tacebunt somnia; si Sacri dulcedinem eloquij Tui libarint præ-
 gustatam. Namq; Rosas solo poteras ex ore mereri. Quid singularis pruden-
 tiæ documenta, conformemq; magnis Consilijs genium Tuum sileam o delici-
 um & gemma magnorum Præsulum. Ita Tu verius extra vetus commentum,
 Gentilitijs Tuis deriuas à Capreis ditissimum Copiæ Cornu, ex quo coronata Rosis
 floribusq; omnimodi decoris amplitudo, vberimo in Te prouentu dimanauit.
 Nec minor augusta felicitatis gloria vestrum inde deriuata est in sanguinem
 quod pulcherrimus Auiti vestri Nominis Rosis ceu sideribus maiorem clari-
 tudinem mutuasit Niueo Præsuleæ F A S C I Æ à Zodiaco. Non alio etenim ele-
 gantia animi magnitudo, Orbe capi poterat, nisi illo, in quo posthuma secura
 æternitatis, strictissimi amoris nexum seculis obijciat insolubilem. Sed iam
 admitte inuitatam suauissimo Rosarum Tuarum oblectamento Palladem Theo-
 logicam, quæ cum videat graue, floridis rerum decoribus seuiantis Authumni
 periculum imminere, Illa vt Tuo fauore ac singulari patrocinio Fortunatissi-
 miq; Tuis sub auspicijs secura, candidos possit ducere & sine nube dies. Id
 sibi vovet, id singulari Tua à Gratia precatur.

Perillustis & Rndissimæ Dñis Vestræ
 æternum Obseruantissimus Cliens,

ANDREAS RVDOLPHVS MARGOWSKI,
 Artium Magister & Philosophiæ Doct.



CONCLVSIONES THEOLOGICÆ. DE DEO VT VNO.

De Existentia Dei.

DEVM esse, est per se notum secundum se: non quoad nos; nisi certè in actu signato. Inuincibiliter non potest ignorari, etiam ab hominibus incultis & agrestibus, ac in syluis & montibus enutritis. Demonstrari verò potest tantum à posteriori: usque; vnus.

De Natura, seu Quidditate Dei.

NATURA DEI non constituitur formaliter per infinitatem: nec per Esse à se; sed per gradum Intellectuum, seu Intellectualitatem: non quidem radicalem, aut proximam; sed per ipsum Intelligere actuale: idque; non sub conceptu operationis; sed sub conceptu vltimæ actualitatis completæ & per se subsistentis. Ratio Speciei Intelligibilis seu Impressæ, est formaliter in illo: & Ratio Speciei Expressæ, idque in linea absoluta, non quidem propriè & adæquatè, sed impropriè & inadæquatè.

quātē. Id tamen vtrumq; non distinguitur virtualiter ab eius Essentia, Intellectu & Intellectione; sed præcisē ex modo nostro concipiendi res diuinas, per Analogiam ad creatas. Nec datur in ipso potentia Intellectiua virtualiter ab Intellectione distincta. Obiectum verò illius Intellectus, non est Ens vt sic; sed Ens In-creatum: idq; tam Motiuum, quam Terminatiuum, est sola Essentia DEI, vt distincta virtualiter ab Attributis & Relationibus.

De Attributis Dei in Genere.

ATTributa DEI, tam ab Essentia, quam inter se, non distinguuntur formaliter, seu ex natura rei; sed Ratione Ratiocinatā. Multo minus realiter entitatiuē, vel solum Ratione Ratiocinante, aut connotatione extrinseca. Ita tamen distinguuntur, vt includantur implicite in conceptu Essentiæ & illa in ipsis, ac quodlibet ipsorum includat cætera. Hæc verò distinctio solum fit à nobis. Si considerentur vt se implicite inuoluunt, sunt æqualis perfectionis; si vt dicunt Rationes explicitas, sunt inæqualia secundum quid. Prædicantur de Essentia, & illa de ipsis, ac vnum de alio, non solum identice, sed & formaliter, idq; tam in concreto, quam in abstracto.

De Attributis Dei in Specie:

idq; quoad *Essē*.

DEUS est omnino simplex: nec potest in compositionem aliorum venire. Est summe & infinite perfectus, ita vt omnes Perfectiones simpliciter simplices contineat formaliter eminenter; Perfectiones verò secundum quid, tantum eminenter, idq; continentia perfectā.

fecta. Est summè Bonus & simpliciter Infinitus; Immen-
susque. In spatiis tamen Imaginariis, non est actu &
positiue, sed negatiue & fundamentaliter. Omnino im-
mutabilis & æternus: isq; solus.

De Attributis DEI, quoad *Operari*. & *Primò*

De Scientia Dei secundum se.

IN Deo est propriè & formaliter Scientia: idq; per mo-
dum actus secundi: & perfectissima, vniuersalissimaq;
Ex se vnica & simplicissima; respectu verò creaturarum,
diuiditur in Scientiam simplicis Intelligentiæ & Visio-
nis: idq; adæquatè. Est Causa Rerum, non solùm Di-
rectiua, sed & Effectiua: ita vt Scientia simplici Intel-
ligentiæ sit causa illarum in actu primo: non quidem
immediatè, sed mediatè; Scientia verò visionis in actu
secundo: idq; quâ Approbationis est. Obiectum prima-
rium illius est ipsemet DEVS: Secundarium sunt Crea-
turæ: non tantum in vniuersum, seu in Genere; sed eti-
am sigillatim & in particulari.

De Scientiâ Possibilium.

DEVS cognoscit Creaturas Possibiles in sua Essentia,
vt in Causa; non verò in seipsis immediatè. Co-
gnoscit non Entia, seu figmenta & Entia Rationis, quæ
ab intellectu creato formantur; ea tamen ipse non for-
mat. Cognoscit omnia mala, id est, Naturæ, Culpæ, &
Pænæ: idque non per Bonitatem suam immediatè, sed
per bonitatem creatam.

De Scientia Futurorum Con- tingentium: idq; Absolutorum.

DEVS certò & infallibiliter cognoscit futura Contin-
gentia Absoluta; idq; non ante Decretum; sed in
Decreto & prædeterminatione suæ voluntatis; & quidẽ
peccata quoad materiale, in decreto positivo; quoad
formale, in decreto permissivo: Sunt illi ab æterno præ-
sentia, non solum obiectivè & intensionaliter, ratione
suæ præscientiæ; sed etiam realiter & physicè, ratione
suæ æternitatis. Hæc tamen præsentia non est solum &
unicum medium, in quo DEVS illa certò & infallibili-
ter possit cognoscere.

De Scientia Conditionatorum.

DEVS certò & infallibiliter cognoscit futura Contin-
gentia Conditionata; non tamen ante Decretum.
Decreta verò subiectivè absoluta & obiectivè Conditi-
onata, etiam circa actus prave, sunt in eo. Scientia
Media non datur in ipso: & sine ea humana libertas cum
certitudine Prædestinationis & efficacia Gratiæ, optime
conciliari potest.

De Ideis Diuinis.

DANTUR in mente DEI Idæ Creaturarum: quæ non
sunt ipsæ Creaturæ, vt menti DEI obiectæ; sed sunt
Essentia DEI, idque non præcisè, vel vt gerit vices intel-
lectionis, aut speciei; sed vt est imitabilis à creaturis;
sunt plures in illo: non quidẽ realiter & entitativè;
sed formaliter & denominativè distinctæ. Et solum cre-
aturarum, tam pro aliqua differentia temporis existentium,
quàm pure possibilem. Mali, peccati, Priuationum,
non est in ipso Idea.

Secun-

Secundò. De Voluntate DEI:

idque Secundum se.

IN DEO est propriè voluntas: non per modum potentie & actus primi, nisi ex modo nostro concipiendi; sed per modum actus purissimi. Obiectum formale & primum illius, tam motuum, quam terminatum, est sola Bonitas Increata, seu diuina; non verò Bonum ut sic; Materiale verò & secundarium est Bonitas creata. Scipsum, seu suam Bonitatem vult & amat necessariò, tam quoad specificationem, quam quoad Exercitium; creaturas verò existentes & futuras liberè: Possibiles nullo modo, si tamen illas amaret, necessariò illas amaret. Malum culpæ non vult; licet illud permittat; malum verò Pænæ vult, non per se, sed per Accidens. Habet propriè libertatem, imò perfectissimam: quæ non consistit adæquatè in denominatione extrinseca: nec in perfectione intrinseca & extensiva: nec in effectibus ad extra productis, vel actione illorum productiva, etiam inadæquatè: nec in entitate modali defectibili: nec in respectu Rationis ad creaturas; sed in terminatione intrinseca ad illas, defectibili sub ratione terminationis, & indefectibili sub ratione Entitatis & perfectionis. Vtraque verò Libertas, tam Contrarietatis, quam Contradictionis est in eo.

De Voluntate DEI, secundum

Partes.

VOLUNTAS DEI adæquatè diuiditur in Antecedentem, & consequentem. Quæ diuisio non est ex parte volentis, seu voluntatis DEI; sed ex parte rei volitæ. Antecedens est tantum voluntas secundum quid; Consequens

quens est voluntas simpliciter & Efficax. Voluntate Antecedenti, seu Generali vult omnes homines, etiam post Adæ lapsum, saluos fieri: & hæc voluntas est conditionata: non ex eo, quod pendeat à consensu & determinatione voluntatis humanæ, vt à Conditione; sed ex eo, quod importet actum conditionatum, quo scilicet DEVS vellet salutem omnium, nisi id repugnaret ordini suæ Prouidentię, & nisi ex hoc impediretur Bonum vniuersale suæ Iustitię, ac cæterorum Attributionum manifestatio. Et per hanc voluntatem, præparantur homini media, seu auxilia ad salutem sufficientia. Circa actus nostros liberos habet DEVS Decretum ex se efficax & non purè indifferens: & illius efficacia etiam ad statum Innocentię Angelorum & hominum extenditur.

De Voluntate DEI, secundum Affectus.

IN DEO est formaliter Amor: non solum erga se, sed etiam erga creaturas: isque amicitię; non tamen æqualiter. Non est verò formaliter in eo Desiderium, non solum ad Bona intrinseca, sed etiam extrinseca, cuiusque Generis & conditionis sint. Non est in ipso Spes, Desperatio, Timor, Audacia & Tristitia. Odium & Ira, sunt in illo, non propriè, vel metaphoricè.

De Voluntate DEI, secundum virtutes.

Iustitia est verè & propriè in DEO; sed non est in DEO formaliter Commutatiua; verum tantum Distributiua.

tiua. Misericordia est formaliter in ipso. Prouidentia
verò est in i lo omnium rerum creatarum, etiam mini-
marum : idque non solum quoad species ; sed etiam
quoad Indiuidua illarum. Quæ Prouidentia, licet con-
notet & præsupponat actum voluntatis ; non tamen
consistit essentialiter in illo ; sed in actu Intellectus :
non quidem in eo, qui dicitur Iudicium, sed in eo, qui
dicitur Imperium. A scientia eius Practica, Arte, Le-
ge æternâ, Ideis diuinis, & a potentia illius Executiuâ,
distinguitur : & per illam DEVS prædefinit ab æterno
& prædeterminat omnes actus liberos voluntatis no-
stræ.

**Cui Laus, Honor, & Gloria,
in æternum.**



APPENDIX PANEGYRICA
ILLUSTRISSIMÆ
SZEMBECIORUM DOMUI
Concentu Lyrico

APPLAUDENS.

Ingens Poloni gloria Climatis
Magnumque Gentis Sarmaticæ decus,
SZEMBECIORVM clara Pubes,
Tenerudi cecinisse plectro
Audebo Vates? cū neque Carminis
Nec par venusti gratia barbiti
Cantus redordiri capaces,
Aonijs fidibus, Lyrisque.
Permittit vsquam; sed quia Lesboos
Tentare nervos mens iubet inclyta
Mystæque Sacratipotestas,
Pindaricis resonare chordis.
Proinde toto pectoris ambitu
Urgebo celsas Nominis aurei
Sonare laudes, & vetusta
SZEMBECIÆ monumenta famæ.
Bella-

Bellacis altrix germinis hæc Domus
Cadmæa fuso Sanguine pectora
Firmauit in cædes, necemque
Barbarici opprobriumq; fastûs.
Nam concitatis impiger ausibus,
Quocunque Regni sæua necessitas
Inuitat euibrare dextras,
Spontè ruit generosus ardor
Hostemque contra pectus agit Sacrum,
Vitæque carum pignus adoreis
Permiscet, audacis triumphum
Dans animi specimenq; dextræ.
At ne cruentis semper in otijs
Tantum feracem quærere gloriam
Præstet, togatus non minorem
Poscit honos agitare laudem.
Amica magnis turba palatijs
Thronisque Regum purpureis placens,
Sacrisque Principum Coronis
Gemma frequens, pretiûq; Sceptris
SZEMBECIANI pignora Sanguinis
Fuere semper; quos fauor intimis.
C. Digna-

Dignatur arcanis, græuesque
Accumulat meritis honores.
Sed quid Vetusti Nomina temporis
Narrare prodest? dum celebris nouos
Propago successus recenser
Innumeris redimita factis.
Augusta latè fulget en inclyti
Virtus P A R E N T I S non latitans Tui,
Quem cādor illimis, grauîsque
Mentis honos, sapiensq; rerum
Commendat ordo; dulcis & eloquî
Prudensq; cultus, Mercurialibus
Votis probatus, dum supremum
Consilijs moderamen egit.
Iunxit mariti fædere Sanguinis
P I E N I A S C I O R V M grande sibi decus,
Sic & Palatinas per ædes
Purpureum capiens amorem.
Adest propinquis sed quoque passibus
Dilecta Magni portio Sanguinis,
Hæresque Virtutis Paternæ
Sarmaticæ pretiumq; Gentis.

P R æ-

8
PRÆCLAVS alti gloria pectoris,
Oraculorum viua recentium
Cortina, dulcedoq; suadae,
Astrigeræ Themidis voluptas.
Vidit supremum Curia Præsidentem
Forumque Regni Iudicialibus
Præesse votis, & feroces
Arbitrio domuisse casus.

Hæc Te Paternæ splendida gloriæ
Stat turba circum, fortis & aureæ
Germanus ordo, concolori
Te redimit sequiturq; passu.

Nam glorioso Te comitas sinu
Candorq; veri conscius ominis
Commendat, aureiq; munus

Eloquij grauiumq; semper
Momenta rerum, quæ validis Tibi
Cedunt cateruis in Caput anxium,
Doctumq; pectoris recessum

Insolito comitantur ausu.
Dilecte summis Principibus nimis,
Amor Sacrorum maxime Præsulum

Te iusta Virtus præmiabit
 Præsuleis aliquando Mitris.
 Id facta paucis conscia mentibus,
 Doctiq; census Nominis id vouent,
 Id Vatis expectabit in Te
 Solliciti cor amorque Voti.



SUB FELICISSIMIS AUSPICIIS.

Magnifici, Perillustri, & Reuerendissimi Domini,

D.M. IACOBI BALTAZAROWIC,

S. Th. Doctoris, & Professoris, Collegii Maioris

Senioris Patris, Ecclesiarum, Cathedralis Cracou:

Canonici, Collegiatæ SS. Omnium Præpositi, Curati Pro-

souienſis, Contubernij Staryngeliani Prouisoris, Studij

Almæ Vniuerſitatis Cracouiensis Generalis &

Vigilantiſſimi

R E C T O R I S.

Biblioteka Jagiellońska



sidr0010814

